



18. maj 2026

UPA2026/18

**Uunga siunnersuut: Naalagaaffiit Peqatigiit Sorsutsaaliuisutut ataatsimiittartuisa aalajangersaani malillugit, pinerliiniarnernut aningaasalersuinerit aamma Koreap Avannarliup (DPRK-p) atomimut programmiliaat pillugu inunntut, eqimattakkuutaanut, immikkoortortaqarfinnut aamma sullissivinnut aningaasaqarnermut tunngasut ilaannut killiliisumik iliuseqarnerit pillugit Kalaallit Nunaannut peqqussummut Namminersorlutik Oqartussat ilanngunnerat pillugu Inatsisartunut aalajangiiffisassatut siunnersuut.**

(Aningaasaqarnermut Naalakkersuisoq)

Naalagaaffiit Peqatigiit tassa FN-ip isumannaallisaanermut siunnersuisoqatigiivisa aalajangersagaannut atatillugu aningaasatigut killilersuutit pillugit peqqussummut Inatsisartut aalajangiiffisassaattut siunnersuut pillugu naatsumik Siumumiit imaattumik oqaaseqassaagut.

Pingaaruteqarpugut Kalaallit Nunaat Naalagaaffeqatigiinnerup iluaniitilluta sulii, peqqarniisaarniartartut pillugit, tassa qaallunaatut taaneqartartut terroristinut aningaasalersuisarnerit, aningaasatigut peqquserluuteqartarnerit kiisalu allaat nunanut piueerunnissamik sakkusaaq amiilaarnarnerpaat atorlugit suliniartartut akiorneqarnissaanut nunani tamalaani pisussaaffimminik naammassinnissasoq.

Siunnersuutip pingaarnerpaamik qulakkiissavaa Naalagaaffiit Peqatigiit (FN-ip) pineqaatissiissutitai Kalaallit Nunaanni aamma atuutilissasut, EU-mi maleruagassat Kalaallit Nunaannut toqqaannartumik atuutinngimmata. Taamaalilluni Kalaallit Nunaata nunani tamalaani suleqatigiinnermut, eqqissinnermut, isumannaatsuunermut aammalu aningaasaqarnikkut akisussaassusilimmik ingerlatsinnermut peqataalluarnera nukittorsarneqassaaq.

Siumumiit pingaartipparput atuutilersitsineq Kalaallit Nunaanni pissutsinut naleqqussarneqassasoq aammalu suliffeqarfinnut pineqartunut tunngatillugu nakkutiginninnermut ilitsersuinnermullu erseqqissunik sinaakkuteqartoqassasoq.

Aamma pingaaruteqarpoq Kalaallit Nunaat FATF-itut (tuluttut: Financial Action Task Force) nunani tamalaani suliniaqatigiiffinnit isornartorsiorneqannginnissaa qulakkiissallugu, nunani tamalaani piunasaqaatit atuuttut naammassineqarnissaat eqqarsaatigalugu.

Taamatut oqaaseqarluta Siumumit siunnersuut taperserparput aammalu taamak isikkoqartillugu aappassaaneerneqarnissaa innersuussutigalutigu.

Erik Jensen, Siumut